



**Nasjonalparkstyret
for Jotunheimen
og Utladalen**

Postadresse
Postboks 987
2604 LILLEHAMMER

Besøksadresse
Norsk fjellsenter
Brubakken 2, 2686 Lom
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 948 80 564
fminpost@fylkesmannen.no
<http://www.nasjonalparkstyre.no/jotunheimen>

Kleppconsult v/ Johannes Flaata

Saksbehandler Kari Sveen

Vår ref. 2020/8689-2 432.3

Dykkar ref.

Dato 08.08.2020

Jotunheimen NP - Dispensasjon - Motorferdsel - 2020 - Kjøring til Glitterheim for befaring - Kleppconsult på vegne av DNT Oslo og Omegn

Viser til søknad ved SMS 08.08.2020 om kjøring til/frå Glitterheim i samband med synfaring.

Bakgrunn:

Søknaden gjer greie for transportbehovet inn til Glitterheim 9. august. DNT har bedt Kleppconsult om ei befaring på Glitterheim Turisthytte, for å vurdere mulighet for energiløsning til fornybar energi ved mulig vannkraft. Oppdraget kan løysast i samband med eit anna ærend til Jotunheimen, dersom det blir gitt dispensasjon for å kjøre inn 9. august.

Heimelsgrunnlag

Delegering

Nasjonalparkstyret har delegert forvaltningsmyndigheit for Jotunheimen nasjonalpark og Utladalen landskapsvernområde i medhald av vedtekter revidert pr. 01.01.2020. Etter vedtak i Nasjonalparkstyret for Jotunheimen og Utladalen den 11. mai 2016 er myndigheit til å treffe vedtak i kurante saker som gjeld søknad om løyve etter dei spesifiserte dispensasjonsreglane i verneforskrifta delegert til nasjonalparkforvaltar.

Verneforskrift for Jotunheimen nasjonalpark av 14.11.14

Verneforskrifta § 3 pkt. 6.1 set eit generelt forbod mot motorferdsel
I medhald av § 3 pkt. 6.3 e) kan forvaltningsstyresmakta gje løyve til motorferdsel på Glitterheimsvegen i samband med drifta av Glitterheim turisthytte.

Forvaltningsplan

Kap. 8.2 i utkastet frå 2008, som blir nytta som rettleiande dokument, har følgjande rammer:
«Mikrokraftverk for turisthyttene må vurderast konkret m.o.t. føremoner og ulemper, t.d. motorferdsel av diesel og støyproblem opp mot fråver av vassdragsnatur og inngrepa som bygging av mikrokraftverk inneber. Skogadalsbøen har lansert planar om bygging av mikrokraftverk som skal stå for straumforsyninga til turisthytta. Dette for å redusere helikoptertransport av diesel til motoraggregat. Det ligg og føre forslag/idear om minikraftverk både på Gjendebu, Glitterheim - - - og Memurubu (Hestbekken). Memurubu turisthytte har eit minikraftverk frå 1972 (dvs. før nasjonalparken vart oppretta), effekt ca. 60 kW. Mikrokraftverk kan i nokre tilfelle vere ei god løysing ut frå ei total miljøfagleg vurdering. Det vil ikkje vere rett å tillate nye vasskraftutbyggingar i nasjonalparken for å dekkje energibehovet for turistbedrifter med høg (hotell-liknande) standard. Fylkesmannen meiner at



mikrokraftanlegg nokre gonger kan vere ei løysing dersom inngrepa er små, lite synlege, inntaket av vatn lite og at krafta skal brukast på staden.»

Vurdering:

Transporten gjeld synfaring for vurdering av omlegging av energiforsyning frå dieselaggregat til vasskraft. Kleppconsult har prosjektert fleire andre små kraftverk for lokal energiforsyning. Transporten skjer etter opparbeidd veg, og vil ikkje ha innverknad på naturmangfald. Oppdraget gjeld nyttetransport, og blir ikkje vurdert å skape uheldig presedens.

Bestyrar Knut Vole ved Glitterheim blir likevel bedt om å vurdere om det er mogleg å samordne transporten med ordinær transport knytt til drift av turisthytta, men dersom det ikkje er mogleg, kan Flaata kjøre inn – på linje med det som gjeld for handverkarar som skal utføre oppdrag for DNT/Glitterheim.

Vedtak:

Johannes Flaata i Kleppconsult får med heimel i verneforskrifta § 3 pkt. 6.3 e) dispensasjon for å kjøre bil på strekninga bom Veodalen – Glitterheim med tur inn 9. august og retur 9. eller 10. august 2020.

Formålet med turen er synfaring for vurdering av meir miljøvennleg energiløysing for turisthytta, og blir vurdert å vera i samsvar med føringar i forvaltningsplanen kap. 8.2.

Vedtaket kan påklagast etter reglane i forvaltningslova. Eventuell klage skal stilast til Miljødirektoratet, men sendast via nasjonalparkstyret innan 3 veker etter motteke vedtak.

Med helsing

Kari Sveen
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:

DNT Oslo v/ Anders Gjermo

SNO v/ Rigmor Solem

Glitterheim Turisthytte

Lom fjellstyre

Fylkesmannen i Innlandet

Eldrid Nedrelo

Postboks 94 2686 LOM

Postboks 987 2604 LILLEHAMMER